

Akiliut pillugu aalajangersakkt

1. Nassuiaatit

Kortimik suliarinnittoq:
GrønlandsBANKEN, Postboks 1033, 3900 Nuuk. Tulliuttuni taneqartassaaq GB.

Kortip suunera:

AKILIUT - korti aningaasanik tigusissutaasarlunilu akiliutaasartooq, inunnut GrønlandsBANKEN'imi sullitanut tunniunneqarsinnaaoq. Tulliuttuni AKILIUT taaneqartassaaq "korti".

Angaju korti - korti aningaasanik tigusissutaasarlunilu akiliutaasartooq inunnut 18-it inorlugit ukiulinnut GrønlandsBANKEN'imi sullitanut tunniunneqarsinnaaoq. Tulliuttuni Angaju kort taaneqartassaaq "korti". Angaju korti taamaallaat terminalini pinkode toortarlugu ator-neqarsinnaavoq.

Akiliiffigineqarsinnaasut:

Pisinarfiit AKILIUT-ip ilisarnaataanik nivinngaasimasut, AKILIUT atorlugu akiliiffigineqarsinnaasut.

BEC:

GrønlandsBANKEN'ip qarasaasiakkt sullissivia

Nets - selskabi aningaaseriviit sinnerlugit Dankort-inik aqutsisoqarfia. Dankort-imut suleriaaseq aqputigalugu aningaasanik nuussinernut atatillugu GrønlandsBANKEN'ip Nets suleqatigaa.

PIN-kode:

Kode inummut tunngasooq kortimut atasooq.

2. Kort-ip ator-neqarsinnaaffia

GB-mi konto-mut atatillugu kortimik tunineqarsinnaavutit. Takuuk imm. 5. Korti aningaasanik tigusissutitut aamma akiliutitut ator-neqarsinnaavoq.

2.1 Korti ima ator-neqarsinnaavoq:

- aningaasanik tigusisarfinni GB-mut atasunit aningaasanik tigusineq
- karsimi aningaasanik tigusineq

2.2 Aningaasat konto-mi uninngasuutit angullugit taamaallaat akiliisoqarsinnaavoq, aningaaserivik allamik isumaqatigiissuteqarfisimannngikkaanni. Aningaasanik tigusisarfinni tigusinermi aningaasat tigusinnaasat killissaat aningaaseriviup aalajangersinnaavai. Killilersuisooqassappat AKILIUT kortip tunniunneranut atatillugu aningaaseriviup ilisimatitsissutigisinnaavai.

3. Piumasaqaatit kortimik piginnittumut atuinissamullu piumasaqaatit.

3.1 Kort-imik aamma PIN-kode-mik tunniussineq toqqorsimatit-sinerlu:

Korti tunniunneqartoq GB-p pigisaraa, kortilu allamik taarsersinnaallugu.

Kortimik tunineqarninni imaluunniit nassitsinninni GB-p PIN-kode nassutissavaa. PIN-kode maskiinakkut ilusilersugaallunilu naqinnetarpoq, kode allanit paasineqarsinnaajunnaarlugu.

Allakkat kortimik imallit imaluunniit allakkat PIN-kode-mik imallit ammarsimappata imaluunniit tiganerani innarlarsimappata GB kalerrissavat.

Kortip isumannaatumik toqqorsimatissavat. Kortip katassimannnginnissaa akuttunngitsumik misissortassavat.

Kode kortimut ilanngullugu toqqorsimassanngilat imaluunniit kortimut allassanngilaq. Allakkat kode-mik imallit aserortissavatit.

Korti allanut ilisimatitsissutigisannngilat. PIN-kode alanngaarsinnaalertariaqarpat. Korti alanngaarsinnaanngikkukku isuman-

naatumik toqqorsimassavat, orniginarnerullunilu PIN-kode-mik eqqaamaniutissaaq kortimut ilanngullugu nassiuunneqartoq atorukku. PIN-kode-mik eqqaamaniutissaaq qaqugukkullunniit GB-mut pissarsiariniarsinnaavat.

3.2 Kortimik atuineq

Korti atoraangakku PIN-kode toortassavat, imaluunniit atsiortlutit (Angaju kortimut atuutinnngilaq). PIN-kode toortarukku allanit marserneqannginnissat qulakkeertariaqarpat. Pisiniartinneqarninni uppernarsaammik tunineqassaait, ilaatigut ersissallutik ulloq, aningaasat amerlassusii aamma kontonr. Qulakkeertariaqarpat aningaasat amerlassusii akiliutivit amerlaqatigigaat, aamma ullua eqqortumik allanneqarsimanersoq. Uppernarsaat toqqortariaqarpat konto'p assilinerata tiginissaata tungaanut. Aamma takuuk imm. 3.6 "Kontop assilinerata misissuinerlu".

3.3 Pisinnaatitsisarneq:

Korti aamma PIN-kode illit kisivit atortariaqarpat. Inuk alla kortit atorlugu konto-nnit aningaasanik tigusitinniarukku, inuup taassuma nammineq kortini aamma nammineq PIN-kode-ni nassassavai. Inuup kortimik atuinera malittarisassat ilinnut atuuttut assingi atorlugit malittarisassaaqassaaq. Inuup konto-nnit atuisinnaanera kissaatigunnaarukku inuup taassuma kortit GB-mut utertissavaa.

3.4 Kortip matutinnissaanut pisussaaffiit:

Ima pisoqartillugu GB piaarnerpaamik attaveqarfisissavat:

- kortit katakkukku, imaluunniit
- PIN-kode allap ilisimalersimappagu, imaluunniit
- korti atornerlunneqarsimasooq paasigukku
- korti assileneqarsimasooq pasitsaakkukku, imaluunniit
- kortip atornerlunneqarsinnaanera allatut pasitsaakkukku

GB'p ammasarfiisa avataani Nets kalerrissavat, oqarasuaat +45 44 89 29 29 atorlugu, ulloq unnuarlu akisartut. Korti ingerlannartumik matunniarlugu Netsimut saaffiginninninni nalunaarutigis-savatit atit aamma najukkat, konto GrønlandsBANKEN'ip immikkoortortaata arlaata nakkutigineriaa, ajornanngippallu kortip normua, kontop normua imaluunniit cpr-normua.

Saaffiginninnerit tunngavigalugu kortit GB'p matuppagu, kortip matuneqarnera allakkatigut uppersaammik pissarsissaait, matutinneranut peqquutaasut aamma piffissaaq nalunaarneqarlutik.

Korti matuneqarsimasooq nassaarineqarpat, GB attaveqarfisissavat, qanorlu iliorniarnertit pillugu isumaqatigiissuteqarlutit.

3.5 Korti allanit atornerlunneqarpat illit akisussaaffiit:

Korti aamma PIN-kode allami atornerlunneqarsimappat annaasaqaatit kr. 375 angullugit nammineq matussusissavatit (aarlerinaatinut nammineerluni akisussaaffik).

PNI-kode atornerluisimasumut tunniussimagukku, atornerlunneqarsinnaaneralu ilimagisimallugu imaluunniit ilimagisimasariaqaraluarlugu, annaasaatit tamaasa matussusissavatit.

Annaasaqaatit kr. 8.000 angullugit (aarlerinaatinut nammineerluni akisussaaffik ilanngullugu) matussusissavatit, korti inummut tunngasooq, kode isertuussaasooq ator-neqarsimappat, aamma

- kode atuisussaataannngitsup pissarsiarisimagaa paasiinnavillugu GB piaarnerpaamik kallerinngitsoorsimannngikkukku,

- atornerluinissamut aarlerinnaateqarneq paasisimannngikkukku imaluunniit paasisimasussaagaluarlugu atuisussaataannngitsup atornissaanut kode tunniussimagukku, imaluunniit

- mianersuaalliorujussuarlutit iliornikkut atuisussaataannngitsumut atortissimagukku.

Annaasaqaatit kr. 8.000-it angullugit matussusissavatit, korti inummit allamit atornerlunneqarsimappat, korti isit atorlugit imaluunniit elektroniskiumik ator-neqarsimappat, tamatumunngalu atatillugu atuisussaataannngitsup peqquserulluni atsiorsimappat, aamma:

Akiliut pillugu aalajangersakkt

- illit allaluunniit kortimik tunisimasat, kortip tammarsimanagera paasi-innavillugu piaarnerpaamik aningaaserivik kallerinngitsoorneqarimappat, imaluunniit

- illit allaluunniit kortimik tunisimasat mianersuaalliorjussuarnikkut atuisussaataaangitsup atuinissaanut periarfissinneqarsimappat.

Matussusiinissamat pisussaaffitit katinnerisa kr. 8.000-it sinnersinnaanngilai, kr. 8000-imut malittarisassat marluk malillugit akisussaaq.

Kortip matuneqarnissaa pillugu GB imaluunniit Nets kalereereerneratigut kukkunerit pisut peqqutigalugit annaasaqaatit akisussaafiginngilatit.

Akiliutinik nuussinerit iluarsinissaasa piviusunnngortinnginnerisa imaluunniit amigaateqarnerisa malitsitigaannik annaasaqaatinut GrønlandsBANKEN toqqaannartumik akisussaaq, GrønlandsBANKENip akiliutinik tigusisussamat neqerooruteqartup aningaasat tigusimanageri uppersarsinnaanngippagit. GrønlandsBANKEN akilersimasanik tigusinermut neqerooruteqarnermi akisussaaqutut akiliutinik nuussinerit iluarsinngitsoorsimanagerisa imaluunniit amigaateqarnerat peqqutigalugu annaasaqaatinut toqqaannartumik akisussaaq. Illit aningaasanik tigusisussatut akiliinissamat peqqusuteqarnit ilinnit imaluunniit illit aqqutigalugu isumagininneq aallartippat, akiliinissamat peqqusuteqarneq akiliisussap neqeroortitsisuanut nassiusinissap piviusunnngortinnginnerata imaluunniit amigaateqarnerata malitsigisaanik GrønlandsBANKEN annaasaqaatinut toqqaannartumik akisussaaq.

3.6 Kontop assiliner aamma misissuineq:

Konto-nnut inssiinerit ingerlaavartumik misissortarnissaannut pisussaaffeqarputit. Misissuininna paasigukku nuussinerit illit uppersarsatinnut assingunnigut, imaluunniit akiliisimanagerit isumagisimanagerit isumaqaruit, sapinngisamik piaarnerpaamik GB-mut saaffiginnaatit.

3.7 Piffissat kortip atorunnaarfissaa taarsernissaalu:

Kortip piffissat kortimi allassimasup atorunnaarfissaata tungaanut atorineqassaaq. Piffissaq atorunnaarfissaa qaangiuppat kortit atorinnaajunnaassaaq. Piffissat nallinginnerani korti GB-mi taarsertisinnavaat.

3.8 Utertitsinerit:

Korti atorlugu nuussinitit utertissinnaanngilatit

3.9 Atorunnaartitsineq:

Korti atorunnaarusulerukku korti piaarnerpaamik GB-mut utertissavat. Konto atorunnaarpat, kortit kontomut atasut tamaasa utertinneqassapput. Korti GB-mut utertikkukku korti peqqatigut qjussavat.

3.10 Taamaatitsineq:

GB qaammatinik marlunnik sioqutsilluni kalerrinikkut nalunaarfiginnaavaatit korti atorineqarsinnaajunnaartoq, taamaammallu utertitartiaqassagit.

3.11 GB'p kortimik matusinnaataaenera

Kortip atorineqarnerani matusinissamat GB pinnaataaaffeqarpoq:

- konto kortinnut atasooq atorunnaarsinneqarpat, GB-lu kinguneqanngitsumik kortit utertinnarsimagaluarpagu, imaluunniit

- malittarisassanik unioqqutsitsiguit, tamakkununga ilaallutik aningaasat kontomi kortinnut atasut uninngasuutitit sipporsimagukkit, imaluunniit

- korti atornerlunneqarsimappat imaluunniit allamit atornerlunneqarsimasooq ilimagineqarpat

Aningaasat uninngasuutit sipporneqarpat korti matuneqassaaq. Taamattaq kortit konto-mut atallillugu tunniunneqarsimasut utertinnissaannut GB piumasaqaateqarsinnaavoq. Tamanna pillugu kalerrinneqassaatit.

GB'p korti matuppagu, matusinermi peqqaasut piffissarlu pillugit nalunaarutiginnilluni allakkatigut nalunaarfigineqarfigineqassaatit.

3.12 Malittarisassanik allannguinerit:

Malittarisassanik kiisalu akit nalunaarsorfiinik allannguinerit qaammatinik marlunnik kalereereernikkut pinsinnaapput. Allannguinerit pillugit nalunaarutiginninneq ilinnut toqqaannartumik nalunaarutigineqarsinnaavoq, soorlu e-mail-ikkut, netbank-ikkut, allakkatigut imaluunniit aviisitigut. Najukkavit imaluunniit e-mailadresse allanngussappat GB-mut nalunaarutiginnissaanut pisussaavutit, taamaallillunilu e-mail-ip imaluunniit najukkavit allanngorsimanagera peqqutigalugu allannguutit pillugit nalunaarfigineqarsimannikkuit illit nammineq akisussaafigissavat.

3.13 Suliffinni aqqiagiingissutit:

Kortit atorinnaanngilat, GB-mi, BEC-mi aamma/imaluunniit GB/BEC-mi teknikkikkut qituffii suliumajunnaarnermut ilanngunneqarpat. Taama suliumajunnaarnerit aallartinnerini aamma taamaatinnerini aviisitigut sapinngisamik piaarnerpaamik nalunaarfigineqassaatit.

3.14 Maalaarutit:

Maalaarutissaqaruit GB-mut saaffiginnaavutit. Maalaarutinni isumaqatigineqanngikkuit uunga saaffiginnaavutit; Atuisartut Maalaaruteqartarfiat, Postboks 689, 3900 Nuuk.

Konto-nni uninngasuutitit sipporsimallugit kortivit matuneqarnera pillugu maalaaruteqarusukkuit GB-mut saaffiginnaavutit. Maalaarutit GB-mi isumaqatigineqanngippat uunga saaffiginnaavutit; Datatilsynet (Carl Jacobsensvej 35, 2500 Valby - www.datatilsynet.dk)

4. Kortimik pissarsinermi atuinermilu aningaasartuutit.

4.1 Akiliutit:

Kortivit atornerani nuussinermut tamanut akiliutinik akiliisinnarneqarsinnaavutit. Akiliutit qaqugukkulluunniit atuutit kiisalu nuussinerit aalajangersimasumik amerlassusillit akeqanngitsumik qanoq atorinnaaneri GB'p akinut nalunaarsuutaani takuneqarsinnaavoq, aningaaserivup nittartagaani atuarneqarsinnaalluni:

www.banken.gl

Akiliutaasatut allanngornissaannut GrønlandsBANKEN'ip periarfissai pillugit niueqatiginnermi piumasaqaatini nalinginnaasuni allasimappat.

5. Kortimik qinnuteqartoq pillugu nalillineq.

5.1 Inuit ataasiakkaarlugit naliliinikkut korti tunniunneqartarpoq.

6. Inuit ataasiakkaat pillugit aamma pisiniarsimanagerit il.il. pillugit nalunaarsuinerit, atuinerit, toqqorsimatitsinerit aamma inuit ataasiakkaat pillugit paasissutissanik ingerlatitseqqinneq.

6.1. Kortimik atuineri nalunaarsuinerit

Kortimik atuineri nalunaarsorneqartarput kortip normua, aningaasat amerlassusii, kortimik atuineri ulla, kiisalu korti sumi atorineqarsimanageroq. Paasissutissat aningaaserivii qarasaasiakkut suleriaasiini imminut isumagisumik nalunaarsorneqartarput. Paasissutissat aningaaseriviiup naatsorsuutaanni, kontop assilinerani aammalu kingusinnerusukkut kukkuneqarsimappat nalunaarsuineri atorineqartarput. Paasissutissat taamaallaat atorineqartarput, inatsisitigut taama piumasaqartoqaraangat, imaluunniit kortimik atuisimanagermut atallillugu eqqartuussinerni atorineqartussatut piumasaqaataagaangat.

Kortip annaarsimanagera pillugu, imaluunniit PIN-kode allap ilisimanagerimanagera pillugu GB nalunaarfigineqaruni, korti atorinnaajunnaarlugu matuneqassaaq. Matusineq pillugu allakkatigut nalunaarfigineqassaatit, tassani nalunaarutigineqassallutik piffissaq

Akiliut pillugu aalajangersakkat

matusiffiusoq kiisalu matusinissaq pillugu qanga GB nalunaarfingine-qarsimangersoq.

6.2 Kortimik atuineq

1. Kortit isumannaatumik toqqorsimatiguk

Kortivit aannaasimanginnera akuttunngitsumik misissortaruk. Korti pas-itut, biilersinnaanermut allagartatut il.il. inummut tunngalluinnartuuvoq.

2. Illit kisivit PIN-kode nalussanngilat Kode elektroniskiusumik atsiornittut atuuppoq.

3. PIN-kode eqqaamaniassagakku akuttunngitsumik atortaruk

PIN-kode kortimut ilanngullugu paarissanngilat imaluunniit tassunga ilanngullugu allassimassanagu. PIN-kodet allannissaa pisariaqartikkukku PIN-kode-mut eqqaamassutissaq pillugu GB-mut qinnutigiuk.

4. PIN-kode atortaruk, isertuulluguli

Aningasanik tiguisarfik qanillugu inissigit, PIN-kode-llu toortarnerani toortagassatit assavit aappaanik assikkat.

5. Naatsorsuusiortarnissat eqqaamajuk

Pisinerni uppersaatit toqqortakkat GB'millu kontop assilineranut assersuuttarlugit

6. Kortit kajungerisaasalinnut qanittumiittassanngilat

Kortit kajungerisat qanittuinut inissinngisaannaruk, soorlu assersuutigalugu taskini paarnaarsaatit kajungerisaasut eqqaani. Taama-assappat kortimi paasissutissat kajungerisaasamiittut ajortinnissaannik kinguneqaannassaaq.

7. Kortip atorunnaarfissaq alaatsinaaguk

Kortip atorsinnaassusiani piffissaq qaangiuppat kortip atornissaa itigartissutiginneqassaaq. Kortip atorsinnaajunnaarnissaa sioqqullugu GB'mi taarsertitsinnaavat.

8. Kortit tamarpat imaluunniit tillinneqarpat, imaluunniit kodet allanit paasineqarsimasoq pasitsaakkukku ingerlaannartumik nalunaarutigissavat

Ingerlaannartumik GB'mut attaveqassaatit imaluunniit GB'p ammasarfiisa avataanni Nets attaveqarfigalugu

Telefon +45 44 89 29 29

Telefax +45 44 68 11 36

Nalunaarutiginninni makku oqaatigissavatit; atit, najukkat, aninga-aserivippit taaguutaa, ajornanngippallu kortip normua, kontop normua imaluunniit inuup normua (cpr-nummer). Taamaalippat kortit ingerlaannartumik matuneqassaaq atornerqarsinnaajunnaarlunilu.

Imminut akisussaaffigineq pillugu inatsismmit eqikkaaneq

§ 1. Inuk 18-it inorlugit ukiulik imminut inersimasutut akisussaaffiginngilaq. Inuk, 18-inik ukiulik sinnerlugillu ukiulik imminut inersimasutut akisussaaffigivooq, taamaattorli § 2-mi malittarisassat malillugit imminut akisussaassuseerutsinneqarsinnaalluni.

Imm. 2. Inuit ukioqqortussusertik naapertorlugu imminut inersimasutut akisussaaffeqanngitsut, inatsimmi ukiukitsutut nalilerneqarput. Ukiukitsut aamma imminut akisussaaffigunnaartaasimasut ataatsimut imminut akisussaaffigunnaarsimasutut taaneqartarput.

§ 37. Inuup imminut akisussaaffiginngitsup 15-inik ukioqalereernermini nammeneq sulinerminut pissarsiarisimasani nammeneq akisussaaffigai, imaluunniit imminut akisussaaffigunnaarsimaguni, imminut akisussaaffigunnaarsimanerminni kingorna. Akisussaaffigisaanut aamma ilaapput pissarsiarisimasanit isertitaasimasut, taakkulu taarsiulugit qaavativut pissarsiarisimasat. Tamanna akiitsoqalersinnaanermut periarfissiinngilat.

Imm. 2. Pissarsiarisimasat ukiukitsumut tutsinneqarsimasut, nallerneqarpat ukiukitsup iluaqutissaanut pisariaqarpat, ukiukitsup pigisai angajoqqaajusutut oqartussaasumit tiguneqarsinnaapput, taamaaliluni pissarsiarisimasat angajoqqaatut oqartussaasup tigullugit. Ukiukitsut katissimasut, imminut akisussaaffigunnaarsimasut eqqarsaatigalugit, piumasaaqatit assingi atorlugit Rigsombudsmandi akuersitillugu pigisai angajoqqaajusutut oqartussamit tiguneqarsinnaapput.

§ 38. § 37-mi malittarisassat assingusumik atornerqarput, imminut akisussaaffeqanngitsup tunissutisiatut imaluunniit kingornussarsiatut nammeneq akisussaaffigisassatut pissarsiarisimasai eqqarsaatigalugit

Kalaallisut danskisullu oqaasertalersorneqarnera assortuussutigineqassappata danskisut oqaasertalersorneqarnera atuutissaaq.